



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Metropolis Salisvrgensis**

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarium, ac loca quædam vicina

**Hund, Wiguleus**

**Monachii, 1620**

M.CC.XXI.

**urn:nbn:de:hbz:466:1-13591**

**V**iam vniuersę carnis ingresso Duce *Ludvico Noricorum & apud nos sepulto*, præsente reuerendo Archiepisco *Eberardo Saltzburgensi*, qui & deuotus Ecclesiae exequias exhibuit cum duobus suffraganeis suis Episcopis videlicet *Chimense & Sekuense*, nec non etiam Episcopis *August.* & *Frisingen.* c. His inquam præsentibus post humationem tanti Principis Otto filius eius tradidit ad altare sancte Marie prædia subscripta: *Schyrn.* 3. curias; *Pulnhusen hubam*, in *Wibse* molendinum; *Paldenwuis curtem*, *Lutvvigefriet hubam*, *Hentishouen hubam*, *Karlsberch curtem*: *Schenberch curtem*: *Goldenhouem*. 3. hubas. *Teisingen curtem*. Testes sunt *Eberhardus Archiepiscopus Saltzburgensis* cum Episcopis iupradictis, *Laodomia Ducissa, Agnes Ducissa*; *Chunradus Comes de Wazzerburch*, *Otto Comes de Valeie*, *Cunradus Comes de Plain*; *Cunradus & Hainricus Comites de Mosburch*; *Cunradus nobilis de Lupach*; *Heinricus nobilis de Starcholteshouen*; *Vlricus nobilis de Wickershouen*, *Marquardus nobilis de Seringen*, *Luitoldus Pincerna de Ogia* & filii eiusdem; *Vlricus & Ludvivicus*; *Percht*: *Marschalcus de Schiltperc*, & trater eius *Luitoldus*; *Alhardus de Brisingen* & alij quam plures.

*Iupurch.  
Stauingen*

M. C C. X X X I.

**L**udouicus Dux Boarie filius Ottonis pronepotis Hazige, in *Keilhaim* à quedam morione (quem naturalem fatuum vulgo vocant) interficitur, *Schireg* sepe litur. Interfuere exequiis, *Eberhardus Archiepiscopus Salisburg.* Episcopi *Chimensis, Seconiensis, Frisingen, Augusten.*

Otto filius eius tradit *Schirensi* cœnobio *Wichsen* molam, *Lutvvigefriet*, *Paldenwuis*, *Hentishouen*, *Karlsberg*, *Schenberch*.

Testes *Laodamia* vxor *Ludouici*, *Agnes* vxor *Ottonis* *Ducis*, *Chunradus Comes de Wafferburg*, *Otto Comes de Valeia*. Hic *Ludouicus* extruxit collegium sacerdotum *Otinge*.

Eius vxo *Laodamia* (ex qua unicum filium *Ottone* genuit) Cœnobium sanctarum virginum *Selingental Lantshutæ* ædificauit ubi sepulta est.

Hic *Ludouicus* Anno Christi M. CC. XV. imperauit palatium *Rheni* à *Frederico secundo*, mortuo *Heinrico* palatino *Rheni*, cuius filiam *Agnetem* nuptum dedit filio suo *Ottoni*. Ita hactenus Principes nostri sese palatinos *Rheni* nuncupant & sunt.

### SCHLECHDORF.

**C**OLLEGIVM Canonicorum regularium S. Augustini. Hoc monasterium situm ad radices alpium in superiori Bauaria, constitutum seu fundatum est cum Beurn, Polling ac aliis Monasteriis, à Landrido, Waldramo & Eliando, fratribus, Comitibus ab Antorf & Loysa, sub Vtilone Duce Bauariae; deuastatur per Vngaros, sub Ludouico Imperatore, circa Annum 907. Auent. fol. 482. reficitur per Heinricum Duxem Boiorum, & Ottонem Episcopum Frisingen. fratrem eius, vna cum Schliers & Scheftlarn, circa Annum Domini 1140. Auent. fol. 630, alibi Auentin, in Annalibus fol. 292. ponit: Schlechdorf & Polling post Vngarorum deuastationem receperunt regulam S. Augustini. Nam ab initio erant Ordinis S. Benedicti. Tenues sunt hoc tempore huius Monasterij cenus ac redditus, vt vix tres aut quatuor Canonicos alere possit. Dicitur ibi requiescere corpus S. Tertulini Martyris, viri industrij ac Nobilis Romani, sub summo Altari.

ADDI-